

欽定戶部則例

第 兩

74

6643

41



74
6643
41

欽定戶部則例卷七十九



兵餉一

放餉期限

放餉期限章程

放餉事宜

分別領餉

分別裁餉

支食原餉

追繳溢餉

同治十三年校刊

目錄

<99-1238>

出征兵餉

養育兵餉

東陵

西陵賞給養育兵缺章程

兵餉額數

欽定戶部則例卷七十九

兵餉一

放餉期限

一八旗兵丁月餉總以每月初一日作為開放
 定限先發餉錢後發餉銀餉錢於每月初一
 初二日放給餉銀於每月初三初四日放給
 一八旗兵丁月餉搭放錢文或二成或三成戶
 部按照錢文多寡每季預期酌定奏明移咨
 各旗造冊送部於初一初二兩日分旗放給

每錢壹千文
作銀壹兩

一甲米每年四季支放季首初三日為開放定
限其或任意逾違查出將經管人員照例查

參

一兵丁錢糧冊檔於上月十五日送部作為過
檔定限無故逾限承辦官參處倘實有不能
依限造送者該旗聲明緣由咨部請展准其
展限五日至送部冊檔如有舛錯由部傳令
該旗承辦章京赴部領回更正亦不得逾五

日之限統以每月二十日為率逾者照例查

參

一兵丁餉銀檔冊過部每月總以十五日為準
分別支扣如檔冊業經過部而兵丁等陞遷
病故事在十五日以前者照大檔未經過部
例辦理如在十六日以後即照大檔已經過
部例不趕不裁

一每月初十以前所出甲兵等缺於本月錢糧
冊檔未經過部之前即行挑補造入冊內送

部初十日以後所出之缺於下月初十日以前挑補如將初十日以前所出之缺遲延不報及呈報後該管官不卽挑補或已經挑補不卽趕入錢糧冊檔送部者分別查叅

一八旗兵丁閏月甲米冊檔由各該旗核轉於上月十五日送部作爲過檔定限於本月初一日開放其支領裁除均以過檔之日爲準至四季甲米冊檔仍各按各旗過檔定限辦理

一新挑兵丁及食過半年餉之孀婦人等如在米檔過部定限以前者准其支領如在過檔定限以後者不准支給

一八旗領米冊檔按各佐領下額設兵丁定數填寫其有本佐領下挑補別佐領下額缺者卽入於挑補之佐領檔內支領

一陣亡併軍營身故及臨陣未出兵餉銀米均以咨文到旗之日爲準如咨到日期在冊檔過部以後所有入檔銀米准其支領如咨到

在冊檔過部以前卽於冊檔內裁汰

一八旗內務府每季造送支領甲米冊檔將革
退逃走挑補各兵分晰聲明添裁月日及何
人頂補何人之缺並周年孀婦起支季分暨
應領人名米數切實註明以杜浮冒儻有遺
漏舛錯查取職名議處

放餉期限章程

一八旗兵丁預領次年正月分錢糧馬銀馬錢
統限於本年十二月初十日以前一律造具
細冊送部不得仍照尋常月分定限造送致

滋遲誤

同治八年
咨准

蘇州本平十二日
八日
丁
計
餘
平
五
日
在
驗
畢

放餉事宜

一每季放給八旗兵米按十成計算粳米五成
稔米三成五分粟米一成五分配搭支放其
養育兵統支一色稔米每年二月內全數關
支如有不能親身赴領者該佐領遴派領催
代為關領照數付交本人領催等儻有私賣
給錢情弊照例究治該管官議處

一標汎各營兵米各按州縣衛所額徵米石就
近支給如原額不敷先儘附近盈餘地方乘

公派撥至該省或非產米之地及所收或不敷支給者該督撫酌量情形或採買或折價確估題報

一開放兵丁月米及兵丁支借口糧文武官會驗如米色糜壞營員瞻徇容隱該管協營不據實揭報者提鎮查出一面咨報督撫一面指實參奏治罪

圓明園駐防左翼四旗及內務府護軍分防在

圓明園之東並健銳營左翼兵丁統歸本裕倉支

領右翼四旗及內務府護軍分防在

圓明園之西並健銳營右翼兵丁統歸豐益倉支領

一火器營移駐官兵坐落藍靛廠每年應領米石由八旗滿洲蒙古都統造冊咨部於本裕豐益二倉就近支領

一京城巡捕五營兵丁餉米每年分爲夏冬二季由步軍統領衙門造冊咨部請領中營坐

一 劄豐益倉開放其南北左右四營按照城內
祿米南新舊太海運北新富新興平城外太
平萬安裕豐儲濟等十一倉之次序每季專
劄一倉輪流開放道光十六年奏准至外省綠營兵
丁餉米均係按月關支屆期文武各官會同
放給

一 看守通倉及本裕豐益二倉兵丁餉米俱在
各本倉支領每季各該旗另造印冊送部劄
倉覈給其餘各倉看守兵丁俱隨各本旗大

糧關領

一 開放兵餉附近省會各營及專防營分離省
雖遠而汎地毗連者按月開放至分防寫遠
或阻山險或濱江湖或近苗疆邊界者按兩
月及一季或兩季由藩庫支領存儲文員庫
內臨期開放總不得虛懸汎地致疎防守
一支領兵餉除直隸省沿河等營附近天津通
永霸昌大順口北熱河者赴各道庫支領江
南省崇明狼山二鎮福建省臺灣澎湖鎮協

浙江省定海鎮標廣東省瓊州鎮協赴各府廳縣庫支領并江西省之虔標四川省之夔協赴各關監督庫內支領外其餘在京巡捕五營由部庫支領在外督提鎮協等營由布政司庫支領造冊報部

一放給兵丁餉銀預令刊刻流單將兵丁等花名銀數並有無扣項已未清完逐一填註單內監放之司道府州縣會同該營員弁當堂兌足連單唱名給發至分防各州縣鄉僻汛

兵餉銀亦令各汛弁會同各該州縣按冊逐名散給或值印官公出卽令佐雜教職等官監放出具文武各官及兵丁等並無尅扣結狀繳查倘不親身監放或公同尅扣均令該管上司嚴行訪查叅處

一放給兵丁餉銀俱用足成紋銀按照庫平彈兌給發卽或間用元寶小錠亦期絲紋圓細平面潔白者方准支放倘有尅減低潮等弊一經發覺照例治罪

一兵餉搭放錢文除安徽山東河南甘肅向不設局並不搭放外江蘇浙江湖南各一成湖北陸釐伍毫廣東伍釐廣西一成貳釐有奇貴州一成壹釐陸毫及伍釐捌毫雲南三成督撫兩標及城守武定奇兵等營五成四川除夔關領餉不搭錢文外在省二成餘俱一成伍釐直隸保定天津按季一成其餘冬季一成山西省城兵丁搭放三成陝西省城正月貳成餘俱一成江西按地方需錢之緩急

福建計錢局鑄鑄之盈虧酌量搭放不拘成

數雲南省每制錢壹千貳百文作銀壹兩餘省每制錢壹千文作銀壹兩

一凡應領官兵俸餉米折等銀附近省會營分所領銀兩數在壹萬兩以下者遴派守備一員壹萬兩以上者遴派都司一員赴司請領其離省窻遠山河阻隔或近苗疆營分於遴委都守之外加派千總一員協同領解至分防營分應領銀數無多或都守不便輕離汛地卽遴選強幹千總一員赴省請領再加派

外委一員協同沿途照料

一各營領餉數在壹千兩以上至壹萬兩以內者撥兵一名民壯二名壹萬兩以上至貳萬兩者撥兵二名民壯四名貳萬兩以上者酌量添撥逐程護送并令沿途地方文武官弁於住宿處所酌撥兵役協同巡防如中途或有疎失將承領及沿途接護地方文武員弁分別彙處

一各營領餉如中途被失除分別議處外所失銀兩著落承領之員分賠十分之六失事地方州縣分賠十分之四倘承領之員實係力不能完卽著落僉差不領之上司賠補

分別領餉

一八旗支領錢糧冊檔按各佐領下額設兵丁定數填寫其有本佐領下挑補別佐領下額缺者應領錢糧卽入於挑補之佐領檔內支領

一馬步兵丁遞拔額外委之缺其應得糧餉銀米及馬匹料草等項均於頂補缺內支食造報

圓明園駐防八旗及內務府三旗健銳營外火器營兵丁餉銀各該營各該旗佐領造具細冊由各該都統彙送戶部支給

一前鋒校親軍校護軍校驍騎校等應領俸銀俱造入兵丁錢糧冊內按月支領如遇閏月准照兵丁之例一體支給俸餉

一看守通倉兵丁餉銀每月由倉場侍郎咨部給領過檔領銀各日期與其餘在京各倉俱在京八旗一律辦理隨旗入檔關支

一八旗由舉人貢生生員恩監生官學生義學生考中候補貼寫中書筆帖式貼寫筆帖式繕本筆帖式教習庫使天文生隨印外郎繙譯謄錄各項人員內由護軍前鋒領催披甲等考試取中有原餉可支者仍准支食原餉俟補用得缺卽行裁汰其無原餉可支及邀各項議叙後回旗候補人員由該旗叅佐領確查如係家道貧寒及微末員弁兵丁等子弟准其挑補馬甲錢糧如係現任五品以上

文職四品以上武職及外任官員子弟仍不

准其挑補其考中各項人員業已進署當差

及在館行走者亦不准其挑補馬甲如本處原有奏

定章程准其坐補馬甲者照舊辦理

捐納候補人員並捐納貢監生等情願呈請

註銷原捐功名挑補馬甲者仍聽其由捐納

賞監生考中舉人副榜併邀各項議叙候補

人員或因家貧請挑馬甲令該旗叅佐領等

體切查明出具實係赤貧並無產業印結送

部准其酌量挑補倘有捏報濫挑者指名叅

處

一太常寺學習行走贊禮郎讀祝官如本係護

軍領催拜唐阿挑補者准食原餉由候補筆

帖式挑補者指補護軍生監官學生挑補者

指補馬甲均俟補缺之日起支月餉

一由覺羅學生挑補太常寺贊禮郎讀祝官學

習行走人員仍令支食覺羅原餉

一由

陵寢贊禮郎因親老改補京職在太常寺額外行走者
未經補缺以前准其支食護軍錢糧俟挑補
之日起支

一健銳營八旗官學教習八員外火器營左右
兩翼各設清文教習二員由禮部考取送補
每員給馬甲錢糧一分坐補之日起支

一
圓明園八旗教習六員歸於禮部考取送補仍照
該營原奏如有錢糧者仍食本身錢糧如無

原餉之人俟坐補教習之日每月支給餉銀
貳兩歲支米貳拾壹石貳斗

一滿洲蒙古武進士出身挑補侍衛人員照漢
侍衛例一體銓選毋庸支給馬錢

一奉

旨以營守備用之武進士如情願隨營學習分發鄰
省試用者收標後給與額內馬糧壹分

漢軍包衣

武進士分發隨營學習亦照漢
武進士之例一體給與糧餉

一揀選三等以備千總推用之武舉如有情願

入伍効力分發各省隨營差操者准給馬糧
壹分與外委馬兵一體較拔

一官學生挑補鑾儀衛學習鳴贊鞭官給與馬
甲錢糧俟坐補額缺之日入檔起支

一八旗捐納監生及閒散人等挑補繙書房行
走者准其坐補馬甲支食錢糧

一八旗護軍披甲拜唐阿內有考中舉人生員
者如情願退糧讀書卽將錢糧裁汰如情願
照舊當差仍准支給錢糧至退去護軍披甲

拜唐阿停止錢糧之舉人生員以及閒散
考中舉人生員內有情愿在護軍披甲拜唐
阿上行走者看其騎射挑補披甲等差給與

錢糧

一八旗閒散挑補弓匠頭目弓匠各缺按兵部
覆准日期起支糧餉

一恭修

實錄之繙譯官膳錄官每月每名給桌飯銀肆兩伍錢
其原有本旗錢糧者准其兼支如未兼食本

旗錢糧者在館不必另加

一粘竿預備弓箭傘養鷹狗等處食貳兩錢糧
之拜唐阿等均照馬甲之例支給叁兩錢糧
一由內務府養育兵內挑取校尉六百九名除
養育兵每月餉銀壹兩照舊支給外每名每
月添給銀壹兩共銀陸百零玖兩以佐當差
之用

一在京巡捕五營共額設字識六十六名係承
辦兵馬錢糧以及拏解人命逃盜一切刑名

事件准支馬兵錢糧其各省綠營字識並不
承辦刑名事件止准支食守糧如果習練技
藝方准遞拔

一兵丁鄉會試中式武舉人進士如有情願隨
營効力者仍准食馬糧一分隨營差操遇有
缺出一體較拔委署

一綏遠城派往烏里雅素臺換防兵丁內有挑
補額外筆帖式者其防所准照筆帖式分例
支給其家內仍照領催前鋒披甲支給錢糧

毋庸給與俸祿

一 西藏兵丁送京繙譯廓爾喀文字由京營支給錢糧公費外其原營額缺糧餉仍准支領造報核銷

一 各項拜唐阿挑補學習贊讀等官照前鋒鳥鎗護軍挑補後換補護軍之例准其於拜唐阿出缺後即行坐補馬甲以昭平允

一 挑取各部院衙門當差食餉官兵拜唐阿等各旗營造送錢糧檔內詳細註明在何衙門

當差字樣以便查駁

一 駐防滿營山領催武舉中式武進士以營守備選用者如有願在本營差操候選仍准食本身名糧俟得缺日即行住支

一步軍統領衙門添設巡夜兵丁捌百名由八旗閒散旗人挑補並於每旗滿洲抽出步甲陸分蒙古漢軍各抽出步甲貳分在巡夜兵每拾名內拔補領催壹名給與雙分錢糧漢軍兵丁每翼添設各項頂戴肆名在該翼四

旗內各抽出步甲二缺作為錢糧四分給與
公費

分別裁餉

一兵丁陞授京職未得俸銀以前仍食原餉得
俸之日卽行裁扣其補放外任者卽裁扣下
月錢糧

一凡在旗食餉兵丁報捐職官者該旗於接准
收捐部文之日起卽行裁扣錢糧如該兵丁
於報捐後部文尙未知照先行告退者按告
退日期裁扣錢糧其由鷹狗備箭等處拜唐
阿報捐者未經銓選以前仍令在原差上行

走毋庸開缺

一聞散覺羅報捐職官加捐分發者卽行裁汰
養贍錢糧報部如該旗造送餉冊內並不扣
除以致照舊領出者除將該員長支養贍錢
糧行旗照數追出具批赴部交納外仍將承
辦遺漏之叅佐領職名咨送兵部查議

一八旗捐監人等除由親軍護軍領催捐納監
生者准其支食本身錢糧外其由馬甲養育
兵捐納監生卽行出缺另補

一健銳火器二營口養育兵有因父兄陞遷回旗
者仍以回旗之日裁扣錢糧如因殘廢駁回
原旗及病故人等之子弟准其帶該營原餉
回旗俟坐補本旗養育兵之日再將該營之
缺撥還挑補

一八旗叅領等官及部院章京外任職官之子
孫均不准挑補養育兵其有候補章京之子
孫原係支食養育兵錢糧者於補缺之日裁

汰

一八旗緣事兵丁經刑部傳訊未滿一月釋放
回旗當差者免扣餉銀如逾一月以外即行
扣交毋庸扣米

一唐古忒學生年滿及西藏學藝唐古忒學生
回京考列一二等作為內閣中書理藩院筆
帖式等官其原得馬銀於奏准之日即行停
支

一八旗拜唐阿報捐筆帖式等官分部學習者
以籤掣分部之日裁汰原餉

一八旗護軍校等有奏准隨任者餉銀停其支
領俟回京當差之日入檔關支

一兵丁告假出京逾限不回下月錢糧不准入
檔關支

一武職把總遇有承緝限滿例應降調處分除
居官平常者照例斥革外其經該督撫等察
其居官尚屬可用者即以經制外委補用不
准食餉

一老病告退物故兵丁餉銀餉米已入大檔送

部者免其裁扣

一兵丁告假送眷赴任因留辦家務開缺者按各省憑限准給一去程限其限滿後長支餉銀庫銀一併追繳

一八旗各營兵丁遇有陞遷出差及緣事羈禁病故革退逃走等事隨時咨報戶部仍於月餉冊內聲明裁汰如實係過檔後遇有前項事故餉冊未及裁汰者刻卽專文補報以憑分別扣除儻延不咨報致該事故兵丁應裁

餉銀仍行隨冊領出卽將該承辦章京等照例查叅

一兵丁初借庫銀上月二十日以前過檔左翼四旗於本月初九日開放右翼四旗於初十日開放凡兵丁病故在過檔以後者入檔庫銀在照餉銀之例一體關支仍入於寬免案內辦理病故在未經過檔以前未及裁汰以及過檔後未經開放以前遇有革退逃走事故入檔庫銀不准支領俟領出時卽將銀兩

存儲各旗營庫內於下月造支庫銀冊內聲明照數扣抵

一兵丁找借庫銀凡遇病故革退逃走在過檔後未經開放以前入檔找借庫銀不准支領俟領出時即將銀兩存儲各旗營庫內於下月造支庫銀冊內聲明照數扣抵

一閒散宗室覺羅及八旗官兵拜唐阿等凡緣事送宗人府刑部應行扣餉者各該旗卽於餉冊內聲明停領俟完案之日再行分別扣

支

一告假出外兵丁總以原給假限爲準如逾原給假限未回卽於餉冊內聲明停領俟該兵丁回京之日報部由部覈計往返程途有無逾限分別扣支

支食原餉

一看守

陵寢藍翎侍衛奉

旨回京以委步軍校等官補用者未經補缺以前准

照驍騎校委署步軍校仍食原餉之例支食

錢糧

一支食馬甲錢糧哈哈珠子奉

旨作為驍騎校未經補缺以前仍准支食原餉其哈

哈珠子馬錢不准支領

同治三年校刊

兵餉

三

一覺羅中式文進士改授庶吉士未經領俸以前仍准支食覺羅原餉

一弓匠拜唐阿等承廕廕生其拜唐阿未經開缺以前仍准支食原餉俟補官之日再行裁

汰

一各省額外外委照經制外委給與頂帶仍食本身糧餉毋庸給與養廉

一江南河營並葦蕩船務營外委効用並外委協辦均給與頂帶仍食本身糧餉毋庸給與

養廉

一驍騎校委署步軍校前鋒護軍領催委署驍騎校由該旗揀選引

見奏請委署俱仍食本身錢糧

一前鋒校委署前鋒侍衛護軍校委署護軍叅領仍食前鋒校護軍校原錢糧其前鋒護軍委署前鋒校護軍校亦仍食原錢糧

追繳溢餉

一 逃走兵丁該旗按月將逃走日期報部其長支錢糧有家產子孫者按日追繳存儲旗庫統於次年三月內彙總交納戶部如無家產子孫實不能完該旗出具保結咨部豁免仍令嚴緝該兵丁到案照例治罪如該旗並不遵辦別經發覺經管人員一體照例治罪

一 旗人無子如過繼異姓旗人民間子弟戶下家奴冒食錢糧者除照例分別治罪外其先

後領過銀米照數著追儻本犯力不能完由
旗查明歷任叅佐領各按在任月日分賠批
解戶部歸款仍將失察各官交部議處

一八旗兵丁於每月初一日領餉之後革退者
長支本月餉銀免其追繳如在上月三十日
以前革退者長支入檔餉銀卽行追繳

一步甲逃走如有長支錢糧在於該佐領驍騎
校名下分賠陸分該叅領分賠肆分仍交部

分別查議

一革退兵丁領過餉米如在每季首月初一日
以後革退者免追如革退在上月三十日以
前所有長支入檔餉米均行追繳其獲罪革
退緣由該都統卽行報部以憑核對追繳

一逃兵領過餉米一月內逃走者追繳後兩箇
月米石兩月內逃走者追繳後一箇月米石
兩月以外逃走者免其著追其應追米石照
時價折銀追存旗庫統於次年三月內彙總
交部如逃走之人實無家產子孫力不能完

者該旗出具保結咨部豁免拏獲之日照例
治罪其逃走兵丁該旗按月報部如不將逃
走日期咨報並應交米折銀兩不按期彙交
者查出將經營人員照例參處

出征兵餉

一八旗出征兵丁內有並無家口在京者所有
起程以後凱旋回京以前應得餉銀餉米於
起程時詢明本人如情願交付親屬者准令
親屬領儲外如有不願交付親屬者或將銀
米扣存倉庫俟凱旋之日按扣存數目支領
或由該旗將餉米變價同餉銀一併按封包
固開明變存數目旗分佐領姓名及出征處
所彙齊存儲遇有部差解送官物之便搭解

軍營散給本人收領仍將收到之處咨覆

一旗員補放綠營續因患病告休回旗曾經出征打仗受傷得有功牌年未及五十不准給俸由該旗都統等查明並無子嗣產業可倚者給與馬甲錢糧壹分以資養贍至內外旗員曾經出征立功年未五十告休者亦照此辦理

一守備以上等官有老病告休曾經出征打仗立功年在五十以上因未受傷不准給俸及出征打仗受傷年未五十不准給俸者該總督巡撫提督總兵查明該員實無產業可倚准令子弟一人入戶食糧無子弟者給與守糧一分以資養贍

一八旗應得卹廕綠營都司守備千總把總等官發交巡捕營學習者各給與馬甲錢糧一分以資差操

一隨征立功兵丁未得補授職官收入督撫提鎮等標効力者給與目兵糧餉卽於標兵數

內核算歲底彙冊題銷

一各營內曾經出征効力年逾五十之退伍兵丁并年未五十實因出征受傷患病致成殘廢如有子弟在營食糧者月給餉米叁斗並無子弟在營食糧給予守糧一分以資養贍均以離營之日起卽行呈明分別支給糧餉若離營之日並未報明前情迨後始據補報請領者一概不准支給

一出征陣亡病故兵丁若子弟內有可以訓養成材者卽令其頂補本兵糧餉以資養贍如並無子弟及子弟幼小不能食糧者月給半餉銀伍錢米叁斗不扣朋建遇閏加增統俟其子弟長成食有名糧或該故兵所遺眷屬俱已亡故立卽裁汰至有已成丁子弟身染廢疾或續經事故及先因謀生有賴不願支食繼因窮迫請領者由該管州縣查明出結亦准續行補給半餉均于呈請之日起支不准我領

一千把外委曾經出師打仗受傷續經辭退告
休年在五十以上者給與步糧一分以資養
贍如該弁曾經出征打仗因傷疾舉發或年
老力衰以致弓馬生疏不能差操經督撫咨
革勒休者查明該弁實無產業可倚及無子
嗣在營食糧亦給予守糧一分均令于離營
日卽行呈明方准給與若有子嗣產業可倚
并軍政案內休革緣事斥革及離營時並未
呈明續經補報者均毋庸給與

一陣亡病故官員家屬無所依靠者給與半餉
其打仗未出及迷失冲失弁兵照陣亡例減
半議恤者所遺眷屬照此例再行減半給與
一陝甘各營每兵壹名預備炒炒麵拾伍觔令各
該營覈明數目移交駐劄及附近州縣於倉
儲麥石內支給由營員磨炒成熟各製口袋
標記本兵姓名收儲軍庫所需磨工柴炭及
製辦口袋等項銀
兩均於公費仍按季更換散給各兵以抵應
銀內支給得月糧如有收藏不慎以致霉變者毋許扣

派兵丁支領卽著落經管營員賠補

一廣東各營挑補征兵貳萬捌千伍百叁拾貳名每名預備炒米壹拾伍觔在於就近各州縣常平倉穀內碾米解營標記本兵姓名存營收儲仍於各營應得兵糧內按月換給出

陳易新

所需碾米運費於耗米項下支銷

一廣西各營挑備征兵壹萬壹千貳百玖拾陸名又挑選管解軍裝等項兵壹千壹百貳拾玖名每名預備炒米壹拾伍觔在於各州縣

倉碾支兵米內動支用口袋標記本兵姓名

存營收儲仍於應得兵糧內逐月換給出陳

易新

令各兵自行炒備毋庸給與公費

一出師兵丁不知下落及軍營病故無依孀婦按照陣亡半餉再行減半支給終身其有子嗣者俟伊子挑差其糧米足抵孀婦所食餉銀之數卽行裁汰

養育兵餉

一八旗原設養育兵壹萬玖千玖百肆拾叁名

內八旗滿洲壹萬貳千陸百柒拾叁名蒙古

健銳營伍百名 圓明園壹千壹百柒拾陸名八旗漢軍壹千叁百拾伍名 每名

月給餉銀壹兩伍錢歲給米壹石陸斗年終

各賞地租銀壹兩伍錢

一八旗添設養育兵叁千叁百叁拾名內八旗滿洲

蒙古共添貳千肆百肆拾名 圓明園叁百伍拾名健銳營壹百捌拾叁名火器營叁百

伍拾名 每名月給餉銀壹兩伍錢不支米石在於裁

撥京城巡捕營節省馬乾銀內動支年終各

賞地租銀壹兩伍錢

一內務府包衣三旗原設養育兵陸百名嘉慶四年

奏准每名月給餉銀壹兩不給米石年終在於

廣儲司餘參變價及當息銀內動支添設養

育兵柒百名內內務府包衣三旗每旗各添

共添壹百名嘉慶十年奏准每名月給銀壹兩不給米石年終

各賞地租銀壹兩均在廣儲司當息銀內動

支

一京城增設八旗滿洲蒙古養育兵每年在於

應解旗租內撥銀伍萬兩交長蘆鹽政壹分

行息每歲息銀陸千兩遇閏於十月內解部

以備賞給增設養育兵之用

一八旗防禦及在京支食七品京官俸祿各員

之子所挑養育兵准其存留以資養贍

一

盛京八旗原設養育兵貳百玖拾名添設養育兵

陸拾陸名乾隆四十年奏准均每名月支餉銀伍錢

在於裁汰馬甲錢糧銀內核給按春秋二季

由

盛京銀庫關支

一齊齊哈爾養育兵叁百貳拾名愛運養育兵

貳百柒拾名墨爾根養育兵壹百捌拾名嘉慶

九年均令耕種公田按名交糧每名月給餉

銀壹兩在於八旗裁缺兵餉銀內核給每年

由

盛京戶部支領

一獨石口于家店駐防養育兵貳拾捌名每名

月支錢糧銀壹兩伍錢米壹石內捌分本色

隨餉估撥

一張家口駐防原設養育兵壹百陸拾名每名

月支銀壹兩伍錢米壹石內捌分本色隨餉

估撥添設養育兵貳拾名嘉慶十二年奏准每名月

支銀壹兩伍錢不給米石在於牧廠地租生息銀

內動支

一熱河驍防養育兵壹百名每名月支餉銀壹

兩肆錢由部庫關支

一額魯特駐防養育兵肆拾捌名每名月支餉

銀壹兩伍錢由部庫關支

一密雲駐防養育兵貳百貳拾名每名月支餉

銀壹兩肆錢由部庫關支

一滄州駐防養育兵拾壹名每名月支餉銀壹

兩每歲支米拾壹石隨餉估撥

一保定駐防原設養育兵拾壹名每名月支銀

壹兩隨餉估撥添設養育兵伍拾名道光二年奏准

每名月支銀壹兩在於綠營餘剩馬乾生息

銀內動支

一青州駐防養育兵壹百名每名月支銀壹兩

叁分捌釐米貳斗在於裁汰披甲錢糧內核

給

一太原駐防原設養育兵肆拾名每名月給餉

銀壹兩歲支米叁石陸斗四箇月本色六箇月折色隨餉

估撥添設養育兵肆拾名道光元年奏准每名月支

銀壹兩叁錢不支米石在於裁馬節省銀內動支

一山西太原城守尉駐防存城馬一百五十四

原額二百五十四匹道光元年奏裁一百匹每年每匹加增黑豆三

石草乾銀壹兩貳錢陸分在於裁馬節省豆

石草乾內動支所餘銀兩添挑養育兵四十

名每名每月連米折共支銀壹兩叁錢仍有

餘剩添給該營孤寡養贍

一右衛駐防養育兵捌拾名每名月支餉銀壹

兩伍錢歲支米拾伍石內捌分本色貳分折色隨餉估

撥

一綏遠城駐防原設養育兵叁百名每名月支

餉銀壹兩伍錢歲支米拾伍石內捌分本色貳分折色

隨餉估撥添設養育兵叁百名嘉慶十一年奏准每

名月支餉銀壹兩伍錢不支米石在於牧廠開墾

空地租銀內動支

一江甯駐防原設養育兵柒百伍拾名添設養

育兵叁百名乾隆五十四年奏添京口駐防同京口駐防原

設養育兵壹百伍拾名添設養育兵壹百名

均每名月給銀壹兩隨餉估撥

一杭州駐防養育兵壹百貳拾捌名乍浦駐防養育兵壹百名均每名月支銀壹兩隨餉估撥

一福州駐防八旗每旗養育兵貳拾名

准共壹百陸拾名每名月支餉銀壹兩嘉慶十年奏六年奏不支米石

在於裁減馬匹節省乾銀內動支

一荆州駐防原設養育兵肆百名

養育兵叁百貳拾名乾隆五十二年奏准每名月支銀

壹兩伍錢隨餉估撥

一成都駐防原設養育兵壹百肆拾肆名添設

養育兵肆拾捌名乾隆五十四年奏添貳拾肆名嘉慶十年奏添貳拾

肆名每名月支銀壹兩在於開墾馬廠地租銀

內動支又續添養育兵玖拾陸名嘉慶十六年奏准

每名月支銀壹兩在於馬價生息銀內動支

一廣州駐防養育兵肆百名每名月支銀壹兩

米伍斗隨餉估撥

一西安駐防原設養育兵柒百肆拾名每名月

支銀壹兩粟米叁倉斗隨餉估撥添設養育

兵壹百貳拾捌名

嘉慶十三年奏准

每名月支銀壹

兩不支米石在於馬價生息項下動支

一甯夏滿營揀選弓馬嫻熟之間散叁百叁拾

餘名隨同兵丁一體操防每名月給養贍銀

伍錢動撥庫儲兵丁馬價

銀壹萬伍千兩

及養贍孤

寡積年餘剩

銀伍千兩

共銀貳萬兩令地方官交

商壹分生息歲收息銀貳千肆百兩以貳千

兩作為養贍之用餘銀肆百兩按年歸還馬

價原款

一涼州莊浪駐防原設養育兵壹百捌拾名添

設養育兵肆拾伍名

乾隆五十四年奏准

每名月支餉

銀壹兩米五斗隨餉估撥

一烏魯木齊滿營養育兵貳百捌拾名每名月

支銀壹兩米五斗隨餉估撥

一吐魯番滿營養育兵肆拾名每名月支銀壹

兩米五斗隨餉估撥

一伊犁滿營養育兵壹千伍百伍拾貳名每名

月支銀壹兩本色糧伍拾捌觔肆兩陸錢糧

同治十三年校刊

戶部則例卷之十九 兵餉

三

折銀叁錢柒分貳釐隨餉估撥

一各旗五品印務章京並各營委叅領等官既

有養廉可支其子孫均不准挑補養育兵缺

如有原食養育兵錢糧者於其祖父得缺之

日裁汰其信炮章京步軍校閒散雲騎尉驍

騎校護軍校筆帖式等微員之子孫仍准挑

補

一各營委叅領等官有年終養廉可支不准存

留養育兵錢糧

一廣州駐防漢軍養育兵壹千壹百拾壹名每

名月給銀伍錢在於八旗馬價穀價肆萬陸千貳百

餘息銀項下動支俟調劑駐防滿洲漢軍閒

散旗丁息銀歸還原款後再將每年餘息歸

還馬價穀價原款

一廣州駐防滿洲漢軍閒散旗丁給予養贍銀

兩在於司庫扣儲平餘叁萬叁千兩武職空缺養

廉貳萬伍千兩米耗盈餘貳萬貳千兩息銀週年一項

下動支滿洲八旗每年總撥銀壹千兩每名

口每月給銀伍錢漢軍八旗每年總撥銀肆千兩按照名口多寡分別有餉無餉均勻散給餘利息銀叁千兩提存藩庫歸還原本按年報部查覈仍俟全數歸完所給養贍銀兩再行按照生息數目酌定

一應州駐防添設餘兵壹百名

滿洲貳拾名
漢軍捌拾名每

名月支銀壹兩在於扣存馬價發商生息項

下動支

道光十六
年奏准

一廣州駐防閒散准挑綠營在於附省二十四

營內三缺得一先補漢軍二人後補滿洲一

人如滿洲無人赴挑以漢軍送補總不得過

綠營額缺拾分之貳其已補綠營之子弟遇

有旗營缺出仍一律挑補

一鑲黃旗滿洲俄羅斯佐領下添設養育兵拾

肆名

內有米養育兵玖名
無米養育兵伍名

每名月給餉銀米

石做照八旗成案一律辦理

同治十
年奏准

兵餉額數

一京城八旗暨各營兵丁共壹拾陸萬捌千叁百餘名每年約支餉銀伍百貳拾柒萬玖千柒百餘兩

盛京省各營八旗兵丁共貳萬貳千捌百壹拾陸名每年約支餉銀伍拾萬叁千柒百捌拾柒兩

一吉林省各營八旗兵丁共壹萬伍千玖百貳

同治十三年核刊

戶部則列卷七十九 兵餉

三

拾壹名每年約支餉銀叁拾貳萬玖千叁百貳拾貳兩

一黑龍江省各營八旗兵丁共壹萬壹千陸百玖拾貳名每年約支餉銀貳拾壹萬壹千捌百柒拾捌兩

一直隸省滿漢各營兵丁共肆萬貳千伍百肆拾柒名每年約支餉銀柒拾肆萬貳千柒百捌拾壹兩零

一江蘇省滿漢水陸并漕標南河河標各營兵丁共肆萬壹千肆百壹拾捌名每年約支餉銀陸拾叁萬伍千伍百柒拾柒兩

一安徽省綠營兵丁共玖千肆百肆拾貳名每年約支餉銀壹拾叁萬肆千柒百伍拾陸兩

一江西省綠營兵丁共壹萬貳千肆百柒拾貳名每年約支餉銀貳拾壹萬伍千肆百肆拾肆兩零

一河南省滿漢并東河河標各營兵丁共壹萬陸千伍百貳拾壹名每年約支餉銀貳拾肆

萬壹千柒百肆兩

一浙江省滿漢水陸各營兵丁貳萬柒千陸百

貳拾肆名每年約支餉銀伍拾玖萬伍千玖

百貳拾壹兩零

原額滿漢水陸各營兵丁共肆萬玖百伍拾叁名同治七

年浙省變通兵制經該督撫奏裁綠營水陸額兵共壹萬叁千捌百貳拾玖名奏添水師伍百名該省裁添兵數並年支餉銀數目均詳見本門浙江糧餉事例條

一福建省滿漢水陸各營兵丁叁萬叁千玖百

伍拾伍名每年約支餉銀玖拾捌萬陸千陸

百捌拾捌兩

原額滿漢水陸兵丁陸萬叁千玖百捌拾貳名同治六七等年

閩省變通兵制經該督先後奏裁綠營馬步守兵叁萬貳拾柒名該省裁兵數目前年支餉銀數目均詳見本門福建糧餉事例條

一湖北省滿漢各營兵丁共貳萬陸千捌百壹

拾柒名每年約支餉銀肆拾肆萬捌千肆百

壹拾兩

一湖南省水陸各營兵丁共貳萬柒千壹百壹

拾伍名每年約支餉銀叁拾玖萬玖千陸百

肆拾捌兩

一山東省滿漢水陸各營兵丁共貳萬貳千壹

戶部則例卷之三
百捌拾貳名每年約支餉銀叁拾肆萬陸千陸百捌拾壹兩零

一山西省滿漢各營兵丁共貳萬陸千肆百貳拾叁名每年約支餉銀肆拾陸萬玖千捌拾

兩

一陝西省滿漢各營兵丁共叁萬肆千貳百陸拾壹名每年約支餉銀陸拾叁萬叁百餘兩

一甘肅省滿漢各營兵丁共柒萬肆千貳百陸拾肆名每年約支餉銀玖拾捌萬陸千貳百

餘兩

一四川省滿漢各營兵丁共叁萬伍千肆百捌拾伍名每年約支餉銀伍拾陸萬肆千伍百伍拾壹兩零

一廣東省滿漢水陸各營兵丁共柒萬壹千肆百肆拾玖名每年約支餉銀壹百肆萬伍千肆百肆拾兩

一廣西省綠營兵丁共貳萬貳千柒百拾伍名每年約支餉銀叁拾肆萬叁千伍百柒拾捌

兩

一雲南省綠營兵丁共叁萬玖千柒百陸拾貳

名每年約支餉銀陸拾叁萬伍千柒百餘兩

一貴州省綠營兵丁共叁萬陸千肆百柒拾肆

名每年約支餉銀伍拾叁萬柒千伍百肆拾

兩零以上均係專指餉銀壹項并照無閏之

年應領數目計算其米折馬乾及有閏之年應添一月領項

應按例另行支給

鐘

